

## **Universitätsbibliothek Paderborn**

**Sancta Communitas, In Paupertate religiosa inviolata**

**Wissingh, Anton**

**Coloniae Agrippinae, 1699**

Cap. I. De primo medio communitatis servandæ, scil. debito cultu Supremi  
Numinis.

[urn:nbn:de:hbz:466:1-49611](#)

## CAPUT I.

*De primo medio communitatis servandæ scil. debito cultu Supremi Numinis.*

I. Hoc medium meritò assero primum ac fundamentale ; de quo proinde meritò dico cum S. Apostolo 1. Cor. 3. 11. *Fundamentum aliud nemo potest ponere, præter id quod possum est, quod est Christus Jesus.* Qui proinde sicut cum Patre & Spiritu S. primarius fuit primæ Sanctæ Communitatis inspirator, Auctor, ita in primario medio ad illam conservandam suggesto dignatus est esse primus promulgator. Matth. 6. 31. *Nolite ergo solliciti esse dicentes: quid manducabimus, aut quid bibemus. aut quo operiemur: hæc enim omnia gentes inquirunt; querite ergo primum regnum Dei, & iustitiam ejus; & hæc omnia adjicientur vobis.* Nolite ergo solliciti esse in crastinum : crastinus enim dies sollicitus erit sibi ipse : sufficit diei malitia sua. h. i. ubi , (ut ait D. Thom.) inhibetur nimis anxia, inordinata, & immodica sollicitudo, conjuncta diffidentia; non autem sovetur otiosorum pigritia : sed erigitur nostra confidentia, in hoc fundamentali medio fundanda. Quod quicunque faciens, meritò dicere potest cum Apostolo: *Scio, cui credidi, & certus sum, quia potens est, sapiens, verax, benignus, immo Pater vester est;* quô verbo hic utitur Christus ad animandum nostram fiduciam. Hinc & pro pane quotidiano impetrando docet suos orare in eodem capite 6. Matth. dirigendo orationem

ad

ad Deum, ut *Pater* est, *Pater noster*, qui es in cælis &c. Quo titulo se Deum confidenter compellare posse gaudebat & gloriabatur S. P. N. *Franciscus*.

II. Credidit huic Patri cælesti S. Ignatius Loyola, qui frequenter dicere solebat: *habemus bonum Deum: utinam te homines noscerent!* Ante ipsum eidem Patri cælesti credidit, & confisus fuit S. P. N. *Franciscus*, dum dicere solebat suam æconomiam consistere non nisi in duobus (ut suprà jam dictum) scilicet in Sancta vita studio, ac spe de Deo firmissima. Dum & hoc verbum dicere solitus erat unicuique singulatim, quotiescumque Fratrem aliquem ad obedientiam dirigebat: jaeta cogitatum tuum in Dno, & ipse te enutriet. Ps. 54. 23. (S. Bonav. c. 2. §. 6.) Credidit eidem S. Bonav. suprà citatus, cum quo & J. Taulerus Doctor illuminatus ex Ordine Prædicatorum, ferm. 2. post Pascha, in sensu ferè & verbis coincidentes in eamdem sententiam: *ubi spiritualia pessum eunt, diu corporalia subsistere non valent.* Ergo hoc est spiritale aratum Religiosorum omnium, scilicet *Opus Dei*; quod suis quam maximè inculcat in Regula sua S. Benedictus, omnesque SS. Ordinum Fundatores. Hinc si, neglecto hoc aratro, Religiosis suppetat temporalium subsidiorum abundantia, est signum manifestum non cælestis benedictionis, sed potius iræ, & maledictionis, ut ait *Thom. Staplet*, exemplificans à non inepto simili: Porcus, Bos, & anser dum impinguantur; dumque vituli lacti duarum vacarum sugendo applicantur, indubie macello

Ee 5

destia

destinantur, morti transcribuntur. *Fili, recordare quia receperisti bona in vita tua.* Luc. 16.35. & Matth. 6.5 *Amen dico vobis, receperunt mercen-*  
*dem suam in vita hac momentanea,* scil. merce-  
*dē corporalem & carnalem, quam solum quæsie-  
 runt & dilexerunt, pro servitio sterili, ad oculum  
 divinæ Majestati superficialiter exhibito. Sin-  
 cera itaque Dei servitus præinunitur divinis bene-  
 dictionibus ad sufficientiam. De quo Ribera in  
 vita S. Teresiæ l. 2. c. 3. S. Petrus de Alcantara mi-  
 ris modis paupertatem S. Teresiæ deprædicavit, &  
 magnam in proventibus dixit consistere confusione;  
 quinimmo nihil illis opportunitatum ad vitam ne-  
 cessariarum defore spoondit, qui sibi sincerè & ex-  
 animo deservirent. Placuit hæc illi responsio, at-  
 que adeo satisfecit, ut cum è corrogata collataque  
 vivere stipe jam penitus animo resloveret, omnes  
 jam mundi facultates & thesauros sibi possidere vi-  
 deretur h. i. Hæc quoque S. Teresia. ( prout cit.  
 Author l. 4. c. 19.) animæ suæ conrestitutum in  
 paupertate his verbis significat: *in iis, quæ ad*  
*paupertatem spectant, singularem mihi Dominus*  
*Dens videtur fecisse gratiam, cum ea etiam, quibus*  
*humanus carere usus non potest, habere non nisi ex*  
*eleemosyna fidelium accepta velim;* adeo ut eo in  
*loco maximopere commorari desiderem, ubi non*  
*xisi mendicata & collecta vivitur stipe.* h.i.*

III. Medium hoc Fratres suos non solum  
 verbo sed etiam exemplo docuit Mem. S. P. N.  
**Franciscus** Evangelicæ paupertatis amator misi-  
 ficus: qui cum pro approbatione sui Ordinis, For-  
 mulæque vitæ & suorum compareret coram  
 sum-

summo Pontifice Innocentio III. ( ut scribit S. Bonav. c. 3. vitæ ejus ) jubetur ab eodem pro lumine desuper accipiendo , orationi instanter sedare, ut voluntatem Dei valeret pleniùs ac certius agnoscere. Omnipotens autem Dei famulus totum se conferens ad orandum , precibus devotis obtinuit, & quod exterius ipse proferret, & quid interius Papa sentiret. Nam cum parabolam de divite Rege, cum muliere formosa & paupere contrahente grataanter , & de prole suscepta præferente generantis Regis imaginem , ac per hoc educanda de mensa ipsius sicut à Deo acceperat, retulisset; ex illius interpretatione subiunxit: non est formidandum, quod fame pereant aeterni Regis Filii & heredes, qui ad imaginem Regis Christi per Spiritus S. virtutem de paupere matre nati & ipsi per Spiritum paupertatis sunt in Religione paupercula generandi. Si enim Rex cælorum imitatoribus suis regnum promittit aeternum; quanto magis illa subministrabit, que communiter largitur bonis & malis? h.i. Ex quo S. Francisci discursu non solùm Pontifex sumimus summè ædificatus, sed etiam S. viri Fratres in Dei servitio constanti ac pio proposito , filialique in Deo confidentia sunt plurimùm confirmati ; prout sequitur.

IV. Nam dum paupertatis evangelicæ amator Franciscus, auctoritate papali fatus cum fiducia multa cum sociis conferret in via, qualiter Regulam, quam suscepserant, sincerè servarent: qualiter in omni sanctitate & justitia coram Deo incederent, qualiter in se ipsis proficerent, & essent alii in exemplum &c. cum jam lassati essent ex diutur-

turnitate laboris, esurientes in quodam loco solitudinis substiterunt. Sanè cùm omnis via decesset, quā possent sibi de victu necessario providere, statim adfuit providentia Dei. Nam subito apparuit homo offerens panem in manu, quem pauperculis Christi dedit, subitoque dissaruit, incognitus unde venerit aut quō iret. Cognoscentes autem per hoc pauperes Fratres, supernum sibi in comitatu viri Dei adesse præsidium, magis dono liberalitatis divine, quam cibo carnis propriæ sunt refecti. Insperdivina consolatione repleti statuerunt firmiter, & irrevocabiliter confirmaverunt, nullius indecūt tribulationis impulsu à sancta paupertatis resilire promisso. h. i.

V. Ex hoc tam fideli divinæ providentiaz præsidio, quæ præstò est omnibus regnum Dei primùm quærentibus, illique fideliter servientibus, cordatè & fundatè infert cit. S. Bonav. c. 7. §. 12. *Procul igitur à pauperibus Christi diffidentia omnis abscedat.* Si enim paupertas Christi adeo copiosæ sufficientiæ fuit, ut subvenientium sibi defelus tam mira virtute suppleret, quod nec cibus, nec potus, nec domus decesset; cùm pecunia, & artis, & naturæ facultas defecerat; multò magis illa merritur, quæ usitato divinæ providentiaz ordine communiter conceduntur. h. i. Quantum ergo ad victualium suppeditationem, hoc primum fundamentum jaciendum, hic primus gradus, via propinquior, methodus securior; nam contra divinam providentiam nil prævalere potest humana industria, nec sine illa quidquam proficere. Proinde.

VI. Veri S. Francisci imitatores & Filii , sibi  
putent à Patre cælesti pauperum provisore prima-  
rio dici, quod ab eodē in nocte Francisco familia-  
ter interrogatoriè dictum fuit: *Francisce, quis po-  
test melius facere tibi? Dominus, an servus? dives  
an pauper?* cùm Franciscus respondisset, quòd tam  
Dominus quam dives facere melius potest, intulit  
statim: *cur ergo relinquis pro servo Dominum, &  
pro paupere homine divitem Deum?* h.i. (S. Bonav.  
c. i. §. 4. vita ejus) Prædicto summo Pontifici de  
alimentis, & vitæ subsidiis sciscitanti vir Dei Fran-  
ciscus generosè & confidenter respondit: *Matrem  
quidem habemus pauperem , sed Patrem ditissi-  
mum.* h. i. Probatum est S. Bernardi proverbium:  
*Dei respectus , hominis profectus, tam secundum  
corpus, quam animam.* Wilst / dasz dir dein  
Sach woll geling / Gott hab vor augen in al-  
lem Ding.

## CAPUT II.

*De Singulari confidentia habenda in Dei provi-  
dentia; provitæ subsidiis impetrandi.*

I. **P**luriima sunt, quæ nos excitant , monent,  
movent, inducunt, immò quasi impellunt  
ad spem nostram fiducialiter in Dei benignia  
& paterna providentia collocandum. Ad hoc  
enim primò nos excitat verbo suo conditor noster,  
pollicendo audientiam, addicendo suam assisten-  
tiam, devinciendo nobis suam omnipotentem

pro-